

	«ԱՄԵՐԻԱԲԱՆԿ» ՓԲԸ	10RB/4IT PL 75-12-02	Էջ 1/4
ԻՆՏԵՐՆԵՏ ԷՔՎԱՅԻՆԳ ԾԱՌԱՅՈՒԹՅԱՆ ՍՊԱՍԱՐԿՄԱՆ ՊԱՅՄԱՆՆԵՐ		Խմբագրություն 1	
		Ուժի մեջ է՝ 29/11/2018 թ-ից	

- 1.1 «Ամերիաբանկ» ՓԲԸ (այսուհետ՝ Բանկ) Ինտերնետ էքվայրինգ ծառայության սպասարկման պայմանները (այսուհետ՝ Պայմաններ) սահմանում են Ինտերնետ էքվայրինգ ծառայությունից օգտվող առևտրի/սպասարկման կետ(եր)ի /այսուհետ՝ «Առևտրի կետ» կամ «Սպասարկման կետ»/ (Բանկը և Առևտրի կետը միասին՝ Կողմեր) և Բանկի՝ որպես Ինտերնետ էքվայրինգ ծառայությունը մատուցողի փոխհարաբերությունների պայմանները:
- 1.2 Բանկը Առևտրի կետին մատուցում է Ինտերնետ էքվայրինգ ծառայություն՝ Բանկի սահմանված ձևանմուշով Առևտրի կետի Բանկ ներկայացրած հայտ-պայմանագրի (այսուհետ՝ Հայտ-պայմանագիր) և դրանում նշված պայմանների հիման վրա, որով Առևտրի կետը ընդունում և հաստատում է Պայմանների ընդունումը (ակցեպտավորումը):
- 1.3 Առևտրի կետը պարտավոր է Բանկի հետ համաձայնեցված եղանակով կառուցել և շահագործել իր ինտերնետային կայքի Քարտերով և PayPal էլ. դրամապանակով /այսուհետ՝ PayPal/ վճարումներ ընդունելու համար օգտագործվող մասը:
- 1.4 Առևտրի կետը կրում է իր ինտերնետային կայքի կառուցման և շահագործման հետ կապված բոլոր ծախսերը:
- 1.5 Առևտրի կետը քարտերով և PayPal-ով վճարումները պարտավորվում է ընդունել միայն Բանկի և Բանկի պրոցեսինգային կենտրոնի կողմից ներկայացված հատուկ պահանջներին համապատասխան եղանակով:
- 1.6 Առևտրի կետը պարտավոր է պահպանել քարտերով և PayPal-ով կատարված գործարքների մասին մանրամասն տեղեկատվությունը (էլեկտրոնային անդորրագրերը և այլ հիմքերը) 3/երեք/ տարվա ընթացքում՝ սկսած գործարքի կատարման օրվանից, և Բանկի առաջին իսկ պահանջով 3 /երեք/ բանկային օրվա ընթացքում տրամադրել դրանք Բանկին:
- 1.7 Բանկի և քարտապանի այն առևտրային գաղտնիքը, որը հասու է դարձել Առևտրի կետին Հայտ-պայմանագրի կատարման ընթացքում, ենթակա է պահպանման և չբացահայտման Առևտրի կետի կողմից:
- 1.8 Առևտրի կետը իրավասու չէ առանց Բանկի գրավոր համաձայնության ձևափոխել և տրամադրել երրորդ անձանց Բանկի կողմից տրամադրված համակարգչային ծրագրերը, նորմատիվ փաստաթղթերը և այլ նյութերը:
- 1.9 Առևտրի կետը իր ինտերնետային կայքի խափանման դեպքերում անմիջապես տեղեկացնում է Բանկին այդ մասին և անմիջապես կասեցնում է քարտերի և PayPal-ի սպասարկման գործընթացը մինչև Բանկի կողմից լրացուցիչ հրահանգի ստացումը:
- 1.10 Առևտրի կետը քարտերով և PayPal-ով կասկածելի գործարքների հայտնաբերման դեպքում՝ անմիջապես հայտնում է այդ մասին Բանկին:


	«ԱՄԵՐԻԱԲԱՆԿ» ՓԲԸ	10RB/4IT PL 75-12-02	Էջ 2/4
ԻՆՏԵՐՆԵՏ ԷՔՎԱՅԻՆԳ ԾԱՌԱՅՈՒԹՅԱՆ ՍՊԱՍԱՐԿՄԱՆ ՊԱՅՄԱՆՆԵՐ		Խմբագրություն 1	
		Ուժի մեջ է՝ 29/11/2018 թ-ից	

- 1.11 Առևտրի կետը քարտերով և PayPal-ով վճարվող գործարքների դեպքում չի կարող գանձել հավելավճարներ և կիրառել այլ վճարման եղանակների համար սահմանված գները և պայմանները:
- 1.12 Առևտրի կետը իրավասու չէ տրամադրել քարտապաններին կանխիկ գումար՝ կատարված անկանխիկ գործարքների դիմաց: Քարտերով և PayPal-ով կատարված գործարքը անվավեր ճանաչելու դեպքում գործարքի գումարը վերադարձվում է քարտին միայն անկանխիկ եղանակով:
- 1.13 Առևտրի կետը պարտավոր է Հայտ-պայմանագրի դադարեցման պահից 6 /վեց/ ամսվա ընթացքում նախքան Հայտ-պայմանագրի դադարեցնելը ցանկացած Պայման/ներ/ի կետերից որևէ մեկի խախտման հետևանքով Բանկին պատճառված վնասի կամ ֆինանսական կորստի ամբողջ գումարի չափով փոխհատուցել Բանկին:
- 1.14 Պայմանների 1.13 կետով սահմանված գումարները Բանկին չհատուցելու դեպքում, Առևտրի/սպասարկման Կետը վճարում է Բանկին տուգանք՝ չհատուցված գումարի 10% չափով:
- 1.15 Հայտ-պայմանագրով ստանձնած իր պարտավորությունների խախտման դեպքում Առևտրի կետը կրում է լրիվ պատասխանատվություն իրեն պատկանող ամբողջ գույքով: Ընդ որում, Առևտրի կետը պարտավորվում է փոխհատուցել նաև քարտապանին պատճառված վնասը՝ պայմանավորված իրեն հայտնի բանկային գաղտնիք պարունակող տեղեկությունների հրապարակմամբ և այլ պարտավորությունների խախտմամբ, որոնք հանգեցրել են քարտապանին բարոյական կամ նյութական վնասի պատճառմանը:
- 1.16 Առևտրի կետը պարտավոր է Բանկին ներկայացնել կայքի միջոցով վաճառվող ապրանքների և/կամ մատուցվող ծառայությունների ամբողջական տեղեկատվություն:
- 1.17 Առևտրի կետը պարտավոր է նախապես տեղեկացնել Բանկին գործունեության ոլորտի փոփոխության մասին:
- 1.18 Առևտրի կետը կրում է ամբողջ ծավալով գործարքների անվավեր ճանաչման, հետվճարների և քարտի համարի ամրակցման ֆունկցիաների հետ կապված բոլոր ռիսկերը և դրանցից բխող բոլոր տեսակի, այդ թվում նաև ֆինանսական հետևանքները/պարտավորությունները կատարված գործարքների համար, եթե գործարքների կատարման նման եղանակ նշված է Հայտ-պայմանագրի «Առևտրի/սպասարկման կետի տվյալներ» բաժնում:
- 1.19 Առևտրի կետը կրում է ամբողջ ծավալով պատասխանատվություն՝ քարտի համարի ձեռքով մուտքագրման եղանակով կատարված

	«ԱՄԵՐԻԱԲԱՆԿ» ՓԲԸ	10RB/4IT PL 75-12-02	Էջ 3/4
ԻՆՏԵՐՆԵՏ ԷՔՎԱՅԻՆ ԳԾԱՌԱՅՈՒԹՅԱՆ ՍՊԱՍԱՐԿՄԱՆ ՊԱՅՄԱՆՆԵՐ		Խմբագրություն 1	
		Ուժի մեջ է՝ 29/11/2018 թ-ից	

գործարքների համար, եթե գործարքների կատարման նման եղանակ նշված է Հայտ-պայմանագրում:

- 1.20 Առևտրի կետը կարող է պահանջել Բանկից ապահովել ինտերնետային կայքի՝ քարտերով և PayPal-ով վճարումների ընդունելու համար օգտագործվող մասի, կառուցման և հետագա շահագործման համար անհրաժեշտ տեղեկություններով:
- 1.21 Առևտրի կետը կարող է ստանալ Բանկից առևտրի/սպասարկման կետում քարտերով և PayPal-ով կատարված անկանխիկ վճարումների գումարները, եթե դրանք կատարված են Հայտ-պայմանագրի և Պայմանների պահանջներին համապատասխան:
- 1.22 Բանկը ապահովում է Առևտրի կետից ստացված քարտով և PayPal-ով վճարում ստանալու հարցումների շուրջօրյա սպասարկումը ինչպես նաև համապատասխան հավաստագրումը ստանալու դեպքում, այդ մասին հայտնում է Առևտրի կետին Հայտ-պայմանագրով և Պայմաններում սահմանված ժամկետներում և կարգով Առևտրի կետին փոխանցում է քարտով և PayPal-ով վճարված գումարը:
- 1.23 Բանկը ապահովում է Առևտրի կետին կայքի քարտերով և PayPal-ով վճարումների ընդունելու համար օգտագործվող մասի կառուցման և հետագա շահագործման համար անհրաժեշտ տեղեկություններով:
- 1.24 Բանկը հայտ-պայմանագրի կնքման պահից 5/հինգ/ բանկային օրվա ընթացքում գրանցում է Առևտրի կետի ինտերնետային կայքի հասցեն «Արմենիան Քարդ» / ArCa/ համակարգի պրոցեսինգային կենտրոնում և PayPal էլեկտրոնային դրամապանակում:
- 1.25 Բանկը իրավունք ունի քարտերով և PayPal-ով կատարված գործարքներին ներդրողի մասնաճիճի և Առևտրի կետի միջև կնքված Հայտ-Պայմանագրում սահմանված միջնորդավճարները:
- 1.26 Բանկը իրավասու է փոփոխել միջնորդավճարի չափը՝ այդ մասին առնվազն 30 /երեսուն/ օրացուցային օր առաջ գրավոր տեղեկացնելով Առևտրի կետին:
- 1.27 Բանկը կարող է անվավեր համարել այն գործարքները, որոնք չեն ստացել հավաստագրում Բանկի, «Արմենիան Քարդ» պրոցեսինգային կենտրոնի և PayPal-ի կողմից սահմանված պահանջների և կանոնների համաձայն և/կամ չեն ներկայացվել Բանկ գործարքի կատարումից հետո 5 (հինգ) օրյա ժամկետում:
- 1.28 Բանկը կարող է Առևտրի կետից (կամ նրա բանկային հաշիվներից) գանձել գործարքների գումարները, որոնք կատարվել են Պայմանների որևէ մեկի խախտումով կամ ապօրինաբար, այդ մասին նախապես՝ 2

	«ԱՄԵՐԻԱԲԱՆԿ» ՓԲԸ	10RB/4IT PL 75-12-02	Էջ 4/4
ԻՆՏԵՐՆԵՏ ԷՔՎԱՅԻՆ ԳԾԱՌԱՅՈՒԹՅԱՆ ՍՊԱՍԱՐԿՄԱՆ ՊԱՅՄԱՆՆԵՐ		Խմբագրություն 1 Ուժի մեջ է՝ 29/11/2018 թ-ից	

աշխատանքային օր առաջ, գրավոր հիմնավորում ներկայացնելով Առևտրի կետին:

1.29 Բանկը իրավասու է միակողմանի լուծել Հայտ-պայմանագիրը, եթե մյուս կողմը խախտում է Հայտ-պայմանագրի և Պայմանների դրույթները՝ լուծման մասին 5 /հինգ/ աշխատանքային օր առաջ նախապես ծանուցելով Առևտրի կետին:

1.30 Բանկը որևէ պատասխանատվություն չի կրում՝

1.30.1 Պայմանների 1. 3-ից 1. 13 ենթակետերից որևէ մեկի խախտումով կատարված գործարքների համար:

1.30.2 Ապօրինաբար գործածվող Քարտերով/բանկային հաշիվներով կամ քարտային/բանկային հաշվի տվյալներով կատարված գործարքների համար.

1.30.3 Ինտերնետային կայքի խափանման պատճառով վճարումների սպասարկման անհնարինության համար: